

Otitenani  
Thomas S. Monson  
na ọtwerẹẹẹ



# Mua w’ano Yẹ Komm

**D**akoro bi wọ mfeẹ kakra a ẹtẹwam no, metotoo me nneema yie wọ adwuma mu wieẹ no, menyaa nkannyan sononko bi se menkọsra ọbaa kunafoọ bi a n’ani afi, a na ọda beaee a wọhwe nkọkora ne mmerewa wọ Salt Lake Kuropon no mu. Mekaa car kọọ họ.

Meduruu ne dan mu họ no, na obiara nni họ. Mebi-saa ọsomfoọ bi faako a ọwọ na ọkyere me asaso kesee bi na me kọọ họ. Eho no mehunu sa okunafoọ a ne ho ye anika yi se ọne ne nuabaa ne ne yonko bi a na wọabesra no redi nkommọ. Yedii nkommọ a eye de.

Bere a na yerekasa no, ọbarima bi baa dan no mu befaa anomde firii afidie a wode ton adee no mu. Ohwee me na ọkaa se, “Ah, wone Tom Monson!”

Megyee so se “aane.” “Wo nso wose Hemingway.”

Ogye toom se wofre no Stephen Hemingway, Alfred Eugene Hemingway ba, ọno na na ọye me fotufoọ bere a na meye ohwefoọ mfeẹ bebre a abesen kọ no; a na mefre no Gene. Stephen ka kyere me se ne papa nso wọ beaee họ bi, na ọda owuo mpa so. Na Gene rebo me din, na na n’abusuafọ rehwehwe me nanso wọantumi annya me ahomatorofoọ so.

Mesree kwan ntempa ara na me ne Stephen kọ me fotufoọ dada no dan mu, faako a na ne mma aforo no nso ahyia mu no; na ne yere aka baabi mfeẹ kakra a abesen kọ no. Abusuafọ no hunuu me nsrahwe wọ

dan no mu no se mmuaee a Agya a ọwọ Soro no de ama won efa won adesrede kesee ho: se meba abehunu won papa na magye ne fre so ansa na wawu. Me nso menyaa atenka bi se saa na etee, efiri se, se Stephen annwura dan no a na mereye nsrahwe wọ mu no mu saa bere no ara mu a, anka mennhunu se Gene wọ beaee họ mpo.

Yebọ mpaee hyiraa no. Asomdwoee honhom yee họ ma. Yedii nkommọ a ahomka wam; na akyire yi mefirii họ.

Adekyee anopa no, wọka kyere me ahomatorofoọ so se beye simma 20 a mene ne ba no abọ mpaee ama no awie no, Gene Hemingway kaa baabi.

Mebọ nnasee mpaee wọ me tirim kyere Agya a Ọwọ Soro wọ n’akwankyere a ekannyan me maa mekọ beaee họ, a emaa mekọ hunuu me yonko pa Alfred Eugene Hemingway.

Eye a na eye me se bere a na honhom Kronkron aba yen so, na yerebo ahobrasee mpaee, na yere ma no asofodie nhyira no, na Gene hemingway rekaekae nsem a wobobo so wọ asoredwom “Owura, Ahum no Retu” no mu:

*Tena me kye, O Ogyefo a wọahyira wo!  
Nnya me họ bio,  
Na mede anigyee beko hyen gyinabea a nhyira wọ họ no  
Na magye m’ahome wọ ahotọ mpoano họ.*

Medaso dɔ saa asɔredwom no na medi adanseɛ sɛ  
ɛma awerɛkyekyerɛ:

*Sɛ eyɛ ɛpo a ahum rema erehuru no abufuo o  
Anaa ahonhom bɔne anaa nnipa anaa biribi foforo  
biara o,  
Nsuo biara nni ho a ɛbetumi amene hyɛn no, faako a  
ɛpo ne asase ne ewiem Wura no da no.  
Wɔn nyina ara de ahobreaseɛ beye setie ama wo pɛ:  
Mua w'ano, yɛ komm.<sup>1</sup>*

Wɔ anisuo ne nsɔhwɛ mu, wɔ osuro ne awerɛhoɔ mu,  
wɔ akomayɛa ne ankonam a adɔfoɔ wuo de ba mu no,  
anidasoɔ wɔ ho sɛ nkwa yɛ afeboɔ. Yɛn Awurade ne yɛn  
Agyenkwa teasefoɔ di adanseɛ sɛ saa na etee.<sup>2</sup> Ne nsem  
a ɛwɔ twerɛ kronkron no mu di mu: “Monyɛ komm, na  
monhunu sɛ me ne Onyankopɔn” (Nnwom 46:10). Medi  
saa nokorɛ yi ho adanseɛ.

#### ATWERE

1. “Owura, Ahum no Rebo,” *Nnwom* a ɛto so 105.
2. Hwɛ Richard L. Evans, “Momma Yɛntena Ase Afeboɔ,” *New Era*, Kitawo-  
nsa18, 1971.

#### NKRANSEM YI MU NKYEREKYERE.

Saa nkrasɛm yi betumi akyekye wɔn a wɔahwere ɔɔ-  
foɔ bi wɔ owuo mu no werɛ anaa wɔn a wɔne nsɔhwɛ  
redi asie no. Otitenani Monson nkransɛm akyi no, susu  
ho sɛ wone wɔn bekɛye twerɛnsɛm a adidi soɔ yi mu ba-  
ako, sɛdeɛ wɔn a worekyerɛ wɔn adeɛ no ahiasɛm tee:  
Hiob 19:25–26; 1 Korintofoɔ Nwoma15:19–22; Mosaya  
24:13–15; Nkyerɛkyerɛ ne Apam 122:7–9. Sɛ honhom no  
kanyan wo a, wobetumi adi adanseɛ afa asomdwoee a  
Agyenkwa no de ama wo wɔ wo amanehunu mu.

#### MMABUNU

### Mesrɛ wo, Sa M'Akoma Yareɛ

Kelsey LeDoux na ɔtwɛrɛɛɛɛ

**B**erɛ a na yɛredi me nua a wawuo no afeda no,  
medweneɛ mmerɛ a abesene kɔ firi sɛ owuie no ho.

Nnye ɔyaw kesɛɛ a menyaeɛ no nko ara na mekaeeɛ,  
mmom menyaa nhyira a Onyankopɔn de maa me no  
nso ho atenka.

Na mente aseɛ sɛ nnipa binom betumi aka sɛ ɔɔfoɔ  
bi wuo betumi de nhyira aba. Na mentumi nte aseɛ sɛ  
metumi anya anigyee ne anisɔ afiri biribi a ɛde yaw brɛ  
me paa ara mu. Nanso, me nteaseɛ sesaeɛ koraa dako  
anadwo bi.

Mede akoma a awerɛhoɔ ahyɛ mu ma paa ara a  
menhunuu ne seso da sɔree anadwo dasuom. ɔyaw  
no hyee me so. Mekɔ me nkotodwe anim na mesu  
frɛɛ me Soro Agya. Me nkwa nna nyina ara mu no  
na wɔakyerɛ me Mpata no ne Yesu Kristo ayaresa  
tumi nwanwasoɔ no ho nsem. Saa berɛ yi na wɔresɔ  
me gyedie ahwɛ. So na megyedi ampa? Mesrɛɛ me  
Soro Agya sɛ ɔnsa m'akoma yareɛ. Na ɔyaw no so paa  
ara a me nko ara mentumi nsoa.

Afei asomdwoee, awerɛkyekyerɛ, ne ɔɔ atenka  
munkam me nipadua nyina ara. Menyaa atenka bi te  
sɛ deɛ Onyankopɔn de ne nsa abam me na ɔrebɔ me ho  
ban afiri ɔyaw denden a na merekɔ mu no ho. Na m'ani  
daso gyina me nua no, nanso me tumi hunuu nneema  
akwan foforo so. Na adesuadaɛ pii wɔ saa osuahunu yi  
mu ma me.

Menim sɛ Awurade dɔ ne n'asomdwoee wɔ ho. Dee  
ɛwɔ sɛ yeyɛ ara ne sɛ yedi bi.

#### MMA

### Paw sɛ Wobɛye Komm.

**O**titenani Monson sɛ berɛ a yeyɛ komm na yɛma  
anidie no, yɛbetumi anya asomdwoee atenka na  
yɛanya adanseɛ kesɛɛ wɔ yɛn Soro Agya ho. Na Honhom  
Kronkron no betumi akannyan yɛn yie afa kwan a yɛɛ-  
tumi aboa afoforo ho.

Twɛrɛ anaa ɛne w'awofoɔ nni nkɔmmɔ mfa ɔkwan  
baako a wobetumi ayɛ komm ho. Afei pɛ mmerɛ  
saa nnawɔtwe yi na sɔ hwɛ. Wowie a, wobetumi  
atwerɛ atenka ne nkannyan a wonyaeɛ no wɔ wo  
journal mu.



Gyedie, Abusua, Ɔgyee

# Nkannyan

*Fa mpaebɔ sua saa nwoma yi, na se efata a, ene anuanom mmaa a wosra won no nni ho nkommɔ. Fa nsemmisa no hye wo nuanom mmaa no den na ma Relief Society nye w'abrabo mu ahiasem. Se worepe mu nsem bio a, ko reliefsociety.lds.org.*

**Y**en nkɔmhyeni, Otitenani Thomas S. Monson, ahye yen nkuran se “monkɔgye won a wohia yen mmoa no na momma won so nko kwan a ekron na eye papa no so. . . .Eye Awurade adwuma, na se Awurade soma yen a, . . .yewo ne mmoa ho kwan.”<sup>1</sup>

Mfee bebre a abesen ko no LaVene Call ne ne nsrahwe hokafo kɔsraa onuabaa bi a wate ada. Wɔbɔɔ pono no mu na wɔhunuu se ohye ataadee a wode dware. Na waye se dee ɔyare, nanso ankye wɔhunuu se ne haw ye nsanom. Nsrahwe akyerɛkyerefoɔ no tenaa ase na wone maame yi a ɔrebre yi dii nkommɔ.

Wɔfirii ho no, wɔkaa se, “Ɔye Onyankopɔn ba. Eye yen asede se yeboa no.” Eno nti wɔkɔɔ so sraa no. Berebiara a wɔsraa no no, wɔtumi hunuu na wɔnyaa atenka se ɔresesa koraa. Wɔtoo nsa frɛe no se ɔmmra Relief Society ahyiadie. Ɔtwentwenn ne nan ase dee, nanso akyire no akɔɔe daa. Wɔhye won nkuran akyire no, one ne kunu ne ne babaa baa asore. Ne kunu nyaa Honhom nkronkron no nkannyan. Ɔkaa se, “Meye dee ohwefoɔ no beka.” Seesei

wɔgyina won nan so wɔ Asore no mu, na wɔanya nsɔano nhyira no wɔ tɛmpol.<sup>2</sup>

### **Wɔ Tweresem no mu**

3 Nifae 18:32; Nkyerɛkyere ne Apam 84:106;

### **Wɔ y'abakɔsem mu**

Boa a yeboa ma obi a wate ada no san ba Yesu Kristo asempa no mu bio no ka Nna a edi Akyire yi Ɔhoteeni ne Relief Society kuo ba biara asede ho. Otitenani Brigham Young (1801–77) kaa se, “Momma yenny ayaahyehyee mma yen ho yen ho, . . .na momma won a wɔtumi hunu adee no nkyere anifrafoɔ kwan kɔsi se won ankasa betumi ahunu adee.”<sup>3</sup>

Eliza R. Snow, fotufoɔ a ɔɔ so mmieniu wɔ amansan Relief Society atitenafoɔ no mu no, kyerɛe n'aniso a ɔwɔ ma anuanom mmaa a wɔwɔ Ogden, Utah, USA, enam se wɔbɔ mmoden se wɔbeboaboa won ho won ho. Ɔkaa se “Menim yie se [monam ɔsom so] di dwuma keseɛ a wɔntwere no [tweretohɔ] nwoma no mu.” Nanso enam se ɔnim se wɔtwere anuanom mmaa no nnwuma

no wɔ soro bere a wɔkɔye won a won akoma redi awerɛhoɔ no mmoa no nti, ɔkaa se: “Otitenani Joseph Smith kaa se wɔye kuo yi se wode begye akra. . . .Wɔakora nwoma foforo bi ama mo gyedie, mo aya-mye, mo nnwuma pa, ne mo nsem. . . .Hwee nnyeraae.”<sup>4</sup>

### **ATWERE**

1. Thomas S. Monson, “Ɔfre Kronkron a Eye Ɔsom,” *Liahona*, Kɔtɔnimma 2005, 55, 56.
2. Krata a LaVene Call ba baa twere kɔmaa Relief Society amansan Atitenafoɔ no.
3. Brigham Young, wɔ “*M'Aheaman Mma Mmaa: Relief Society Abakɔsem ne won Adwuma*” mu (2011), 107.
4. Eliza R. Snow, wɔ *M'Aheaman Mma Mmaa* mu 83.

### **Deen na metumi aye?**

1. So mewo akokoduro a mede besre onua baa a wate ada se one me nko Relief Society ahyiadie mu?
2. So anuanom mmaa a mehwe won so no mmfere se wɔbebis a me nsem afa asempa no ho?